


# यीशु मसीहा



यी  
शु  
म  
सी  
हा

साउब से बड़का कहानी

## का हेके...



**स्वर्गदूत :** ईश्वर कर एगो नी दिसेक वाला दूत.(पन्ना ५)

**आशीष :** साउब आच्छा चीजमन जेके ईश्वर आबदिनमन के देवेक चाहेला. जेमन उकर इच्छा कर मोताबिक करेना.

**प्रभुभोज:** यीशु कर चेलामन यीशु कर मोरन आउर जी उठेक के रोटी आउर अंगुर रस लेइके याद करत रहंय. (पन्ना ४१)


**क्रुसः**: दुःख/सजा देवेक वाला एगो साधन जेकर में यीशु अपन इच्छा से मोरलक. यीशु कर चेलामन ले ई एगो चिन्हा बनलक. (पन्ना २५,५०)

**चेला:** यीशु कर चेला.(पन्ना १८)  
**ईस्टर:** यीशु कर जी उठेक कर परब मनायक. यहूदीमन एहे दिन फसह कर परब मनायना. (पन्ना ३८-५४)

**जिनगी जुग कर जीबन:** यीशु संगे जीबन जीयेक ई ईश्वर कर इच्छा हेके. ई मोरन के जीत हे आउर इकर अन्त नाइखे. (पन्ना २३,२९-३० आउर ५९)

**विश्वासः**: ईश्वर जे करेक कर वादा कझर हे उकर में भरोसा करेक.(पन्ना ५८)

**क्षमा:** ईश्वर क्षमा करेला, जे कि केहो इकर जोग्या न इखंय. ईश्वर क्षमा करेला अगर तोय सचमुच अपन पाप से क्षमा मांगबे आउर अपने के बदलेक चाहबे होले. क्षमा संभब आहे कालेकि यीशु सजा के अपन उपरे लेलक जेके हमरे के पावेक रहे. (पन्ना ५८)



**ईश्वर कर राइजः**: जहां आबदिनमन ईश्वर कर हुकुम के मानेना हुंवा ईश्वर कर राइज आहे.

**पवित्र आतमा:** ईश्वर कर आतमा जे आबदिनमन कर जीबन में रहेक चाहेला, जेमन यीशु कर पीछे चलेना.(पन्ना ५८)  
**यीशु :** ईश्वर कर बेटा कर नाम, मान 'ईश्वर हमरे के बचायला'.

**मसीह :** अभिषेक करल राजा "मसीह" (एगो हिंबु शब्द) जे ग्रीक भाषा में अनुवाद करल आहे, माने ख्रीष्ट (पन्ना ५२,५५)

**प्रार्थना :** ईश्वर कर संगे तोर, आस्ते से चाहे जोड़ से बतियाक आउर तोके उकर सुनेक. (पन्ना १८,१९,४२)

**जी उठेक:** यीशु मोरन में से जी उठलक. एक दिन साउब झान मोरन में से जी उठब, तले ईश्वर साउब आबदिनमन कर बिचार करी. (पन्ना ५३,५७)

**दोसर बेर आवेकः**: जे बेरा यीशु दोसर बेर धरती में आवी साउब कुछ नया होई जाई. सरग आउर नरक के ईश्वर आउरे नया बनाई. (पन्ना ५७)

**शैतान :** ईश्वर आउर आबदिन कर नी दिसेक वाला बैरी हेके.

**पाप :** उ चीज जे हमरे ईश्वर कर बिरोध में करिल. ईश्वर कर योजना जे हमर ले आहे उकर से हमरे के दुरहिया करेल.(पन्ना ४)

**ईश्वर कर बेटा :** यीशु कर नाम. उ ईश्वर रहे, जे आबदिन कर रुप में संसार में आलक.




## यीशु मसीह के हेके?

यीशु २००० हजार बच्छर पहिले इसाएल में रहलक. हमरे उके “यीशु मसीह” कहिला. माने उ एगो राजा, ईश्वर कर एगो बेटा कहलायला. इकर माने “ईश्वर” आउर “आबदिन कर बेटा”. यीशु कर जीवन कर बर्णन बाइबल में लिखाल जाय हे. ई एगो महान कहानी हेके.

## यीशु कर समय में

हमरे कर इतिहास यीशु कर जन्म से शुरु होवेला. उ बेरा आबदिनमन पैदल, गधा में, ऊँट में चाहे घोड़ा में यात्रा करत रहंय. यूरोप कर मुखिया भाग, मध्य पूरब आउर उत्तर आफ्रिका रोमी राइज कर आधीन में रहे. अनाइत आबदिनमन लिखेक चाहे पढेक नी जानोत रहंय, लेकिन इसाएल में यहुदीमन सकोत रहंय. उमन के “किताब कर आबदिन” कहल जात रहे. ईश्वर किताब में बतियायला, उ बाइबल हेके. साउब चीजमन के सिरजेक वाला ओहे हेके आउर उ साउब आबदिनमन कर संगी होवेक चाहेला. यीशु हमरे के ई साफा से देखाह.





## यीशु कर समय में इस्राएल

राजधानी : यरुशलेम

बड़का राइज़ : गलील, सामरिया, यहूदीया

विस्तार : लगभग २८००० किमी. (१०८१० माइल)

मौसम : उष्ण कटिबंध

राजनैतिक : ६३ बी.सी शुरुवात से (मसीह से आगे) रोमी राइज़ कर अधिकार इस्राएल में आहे.

सरकार : मुख्या पिलातुस, रोमी राज्यपाल इस्राएल में राइज़, तिबेरियस, रोमी राइज़.

धरम : यहूदी धरम, यरुशलेम में यहूदीमन कर मंदिर आहे. हुंवा यहूदी पुजारी साउब धरम कर काम करेना. आउर हुंवा फरीसीमन बाइबल से आबदिनमन के सिखात रहेंगे.

भाषा : हिन्दू (यहूदीमन कर भाषा) ग्रीक (आतंरराष्ट्रीय स्तर में बतायक वाला भाषा) लॅटिन (रोमी भाषा).



ई सउब आबदिनमान नदी कर कीनारे काले जामा होहांय?



अपनेआप के तैयार करा  
ईश्वर कर राईज अवाथे!



एगो नया जीवन शुरू करा !




ईश्वर कर विचार कर ताबल  
गाछ कर जीड़ मे अहे .




हर एक गाछ जे बेस फर नी  
फरेल उके काईट देवाल जाई  
आउर उके आईग मे फेकल  
जाई.

होवेक सकेल हमरे सउब काटाल  
जाब. के बेस जीवन जीयेक  
ले जोगया अहे?

सचमुच! कोई हो ईश्वर कर विचार से  
छुटेक नी सकबांय. लेकिन मोर  
पाछे एगजन अवाथे जे तोके भितरे  
से बदलेक सकेल.



अगर तोहरे सचमुच अपान जीवन  
बदलेक चाहाल हौले, अपान पाप  
माइनलेवा, आउर ताले आयके ई  
पानी मे बपतिस्मा लेवा.



एखन तोय आपन पाप से शुद्ध होले.  
एगो नया जीवन शुरू कर.




नदी कर प्रचारक के सउब कोई बपतिस्मा  
देवेकवाला जोहान काहाथंय.

मोय मुख्य ना लो. मोय  
उकारले डाहार तैयार  
काराथो जे हामरे  
के देखाय कि ईश्वर के हेके.  
उ तोहरे के ईश्वर कर  
आतमा आउर ईश्वर कर  
आईग से बपतिस्मा देवी. उ  
तोके पुरा रूप से बदली.



आउर ताले...




मोय... मोके  
तोर से  
बपतिस्मा  
लेवेक चाही.




ताले सरग से एगो सबाद कहलक ....

हां, तोय मोर  
बेटा हेकीस. मोय  
तोके प्रेम कारोना  
आउर मोय  
तोर से खुस  
अहो.




एसने कर. तले जे  
ईश्वर कर इच्छा  
अहे हामरे काराब.



हामरे कर समय कर शुरूआत से जोहान बपति स्मा देवेकवाला इसराइली आबद्धिनमान के मसीही आवेक कर तयाइर करोत रहे. उ बेरा इस्पाएल रोमी राइज कर एगो छोटका भाग रहे.



इस्पाएल कफरनहूम  
गलील  
नासरत  
कनान  
यर  
द  
न  
यहूदीया



इस्पाएल मे यहूदीमान लाचार आउरे दबाल महसूस करत रहंय. आबद्धिनमान मसीह आवेक कर समय कर आशरा करतरहंय. उ चुटकारा देवेक वाला हेके जेकर अवेक अगे ही पुराना यहूदीमान कर किताब मे आगमबाणी करल जाहे. इ मसीह ईश्वर कर विचार के जीतवाय.

यरदन नदी कर भीरे, जोहान बपतिस्मा देवेकवाला यीसु कर बटे देखालक.

देखा! ई ईश्वर कर भेड़ा छुवा हेके जे संसार कर पाप के उटाय लैई जायला.



बपतिस्मा कर पाछे, ईश्वर कर आतमा यीसु के सुनसान ठाव में लैई गेलाक.

उ चालीस दिन आउर चालीस राइत हुवा रहे। जेरखान उ हुवा रहे उ कोनवे नी खालाक. उकार काम का हेके ईके साफा से देखेक ले उ प्रार्थना आउर उपवास करलाक.



सफल बानायक कर लागिन यीसु गो संसार में ईश्वर कर योजना के देखायक चाही. ई ईश्वर कर योजना हेके कि आबद्धिनमन पाप कर बंधान से आजाद होक.

शैतान अंधार कर अनदेखार शासक हेके जे संसार में मोरन आउर नाश से अधिकार करेला.



हां बाप! जे तोय कहबे उके मोय करबु.

लेकिन शैतान, उकार बैरी, यीसु के लोभ देय के उके ईश्वर कर योजना से दूरियाह करेकले कोशीस करोत रहे।

अगर तोय ईश्वर कर बेटा हेकिस तो  
ई ढोंगा के रोटी बानाइ दे।

नहीं! किताब मे ऐसन लिखाल  
अहे: आबदिनमन रोटी से  
एकला जीयेक नी साकबाय  
लेकिन ईश्वर कर वचन कर  
जरुरी अहे।

अगर तोय सचमुच ईश्वर कर  
बेटा हेकिस तो ईके परमान कर!  
मंदिर कर उपरे से नीचे डेग.  
का ई लिखाल नखे कि सरगदूत  
तोके उटाय लेवी ?

अगर सचमुच तोय मोके गिर  
के गोड़लगबे, तो मोय  
अधिकार के देई देबु।


तले शैतान उकर भिरे से भाड़ग गेलक,  
आउर सरग दूतमन आयके उकर  
सेवा करेक लागलंय।

ई हो लिखाल  
अहे. ईश्वर कर  
परिक्षा न कर।


दूर होई जा शैतान, ऐसन लिखल  
आहे कि, तोय प्रभु अपने  
ईश्वर के गोड़ लग,



जेखान यीसु गालील मे घुरलाक  
उ पवित्र आतमा से भराल रहे。  
उतरी इस्माएल कर अनाईत  
बड़का राईज में यीसु बड़का  
होलाक. उकार जाईक बेरा  
अनाईत आबदिनमन उकार  
संगे अलंय. आगमबक्तामन  
जेकार बारे मे लिखलय  
कि उ मसीह एहे यीसु  
हे हेके कि नहीं

गालील कर डांड़मन में काना में, एगो बिहा होवाथे...




यीशु हो अपन माय आउर संगमान कर  
संगे उ भोज मे हुंवांय रहंय.





गलील झील कर भीरे कफरनहूम एगो फलालफुलाल मछुवामन कर एगो  
गांव रहे. हिया यीसु ईश्वर कर बारे मे आबदिनमन कर भीरे कहेक लागलाक.



आउर हिये उ अपन पहिला चेला चुनलाक.



पतरस गहिरा पानी बटे जा  
आउर हुवा अपन जाल फेक.



मालिक! राइत भाइर  
मेहनाइत कइर के हों  
हमरे तनिको धइर  
नी सकली.





लेकिन हो तोर कहेक कर चलते .









ई का हेके ! मोके  
बिश्वास नी होवाथे.








यीसु अपन चेलामन कर संगे पुरा  
गैलील मे यातरा करलाक,  
उ सउब के ईश्वर कर बारे मे  
बतालक. उ सउब किसीम कर  
बिमारीमन के चंगा करलक,  
दुष्ट आतमामन के निकलालक  
आउर आबदिमन चकारेत.  
होलय आउर उकर पाछे गेलय.  
उमन दोसर ठांव आउर  
इस्पापुल कर राजधानी  
यरुशलम से आय रहय. उमन  
उकर हर वचन से  
चकरित हालय.






एक दिन कफरनहुम मे यीसु कर घर कर  
भीरे आबदिनमन भीड़ करलंय.

हमरे भितरे जायक नी सकब.






लेकिन यीसु कर काम से सउब झन खुसी नखांय. धरम गुरुमन देखत रहय कि यीसु सथायक कर दिन कर नियम के मानेल कि नाहीं. इसाएल में ई दिन में काम करेक माना रहे.



यीसु चेलामन कर संगे डोंगा में  
गालील कर समुनदर मे गेलाक.









शान्त होई जा ! थाइम जा !





उमन डोंगा के किनार मे बांधलंय. लेकिन पाहाड़ मे....










थोमा आउर मत्ती (जे आगे रोमी शासकमन कर लगिन खजना लेवेक वाला रहे)



तदै आउर दोसर याकूब .



शिमोन, आउर यहूदा इस्कुरिती।



जावा. जे केहो तोहरे के ग्रहन करी, उ मोके ग्रहन करी, आउर जे केहो मोके ग्रहन करी, उ मोके भेजेक वाला के ग्रहन करी



१२ चेलामन अपन काम से खुसी हुईके घुरलय. इकर पाछे यीशु उमन संगे एगो सुनसान ठांव में जाईक चाहलक, लेकिन भीड़ उके एकले नी छोड़लक.

पाकल खेत ढेइर आहे लेकिन कमिया थोडे आहंय। खेत कर मालिक से बिनती करा कि उ अपन खेती काटेक ले कमिया मन के भेजोक।



यीशु आउरे कहते आउर बेस करोत रहे. देरी होवाथे.....

फिलिप, ई सउब आबदिनमन काहा से खायक  
चीजमन पाबंय? तोहरेमन हे उमन ले कोनो  
काले नी देवाल?



आट महीना कर कमाई हो इकर ले नी पुगी.

हिया एगो छोड़ा अहे. उकर ठीन पांच रोटी  
आउर दुईगो मछरी अहे. हिया एतना हे अहे.




आबदिनमन के ५०/५० कर्फ्फे  
के संगे बइठाय दे.




यीशु ईश्वर के धन्यबाद देलाक.



उ रोटी आउर मछरी के टुकाइर देलक.




यीशु खायक चीजमन के बढ़ालक आउर हजार आबदिनमन खालंय.



ओहे मसीहा हेके जे  
अवेकवाला रहे.


हमरे उके  
राजा बनाब!



देखा तो! बचाल  
टुकरामन  
से बारह दाउरा  
भाइर गेलक.




एखन आबदिनमन कर घर जायक बेर होई गेलक. तोहरे  
डोंगा लेर्ईके दोसर बटे जावा. मोय प्रार्थना करेकले हिया पहाड़ मे रहबु.



पाछे...





ओहो! उ तो भूत हेके!


मझत डरावा. मोय हेकों!



हुवा एसन आबदिनमन रहय, जेमन यीशु के राजा मानत रहय. उमन कर आशरा रहे कि उकार अगवाई में रोमी आधिकारी से छुटबाय. यीशु कर बिरोधीमन हो बढ़लक. उमन हमेशा उकर बिरोध करेना. उमन उकर बिरोध में आबदिनमन के उसकयके उकर से छुटकारा पावेक चाहेना.







यरुशलेम शहर कर बाहरे बेला बेला में आबदिनमन के मोरात रहंय. उमन के क्रस में टंगौत रहंय, जे निरदयी, रोमी मौरन सजा हेके.



अगर कोई मोर होवेक चाहाल होले, उ अपने हे केइन्कार करोक, आउर अपन क्रूस उठाय के मोरपाछे होई लेवोक.



जे अपन जीव के बचायक चाहेल, उ उके हेरवाई आउर जे मोर लगिन अपन जीव के हेरवाई, उके उ पावी.



तोहरे ईके जाना कि एके गौ ईश्वर अहे.



मुख्य बात एहे हेके कि योय तोर भितरे होवेक सउब चीजमन से ईश्वर के प्रेम कर, आउर दोसर आबदिनमन के हो अपन जेसन प्रेम कर.

इ बेरा में इस्राएल में कोड़ रोग गांवमन रहे कोड़ी रोग छमड़ कर खतरा रोग हेके. इ रोग होकेक वाला के बेस आबदिनमन कर भिरे आवेक माना रहे.



कोड़ी बेमार जेखन बाहरे जाइना तो उमन जोड़ से चिललायके आबदिनमन के सावधान करेना कि उमन अवाथय.




कोड़ी कोड़ी

कोड़ी कोड़ी



यीशु! मालिक ! हमरे उपरे द़या कर.





यीशु यातरा करेक बेरा  
यरुशलेम कर अगवामन  
अपन दासमन के यीशु  
कर जासुस करेक ले  
भेजलक. उमन उकर  
बिरोधी रहंय.

उ खाराब आबद्धिनमन कर संगे समपर  
रखोत रहे जेसन कि बेश्यामन, खजना  
लेवेक वाला रोमी अधिकारी...

मसीह हेरल मन के खोजेक आउर  
उमनके उद्धार करेक आयहे।




सथायकू दिन मकालेकि  
यीशु बेस करलक....

बेस होई जा!






बेस होई जा!

छाउवामन के मोर भिरे आवेक देवा,  
ईश्वर कर राइज एसने हे मान कर हेके.




यीश के बेतनियाह मे बोलाल गेलाक,  
एगौ गांव जे यरुशलेम कर भिरे रहे.  
लाजरुस नाम कर एगौ आबदिन  
बेमार होई रहे। लाजरुस आउर  
उकर बहिन मारथा आउर  
मरियम यीशु कर संगी रहये.  
जेखन यीशु हूंवा आलक उ  
सुनलक, कि लाजरुस के कबर  
में राखल चाइर दिन होई जायहे।





यरुशलेम कर अधिकारी यीशु आउर उकर चेलामन उपरे ध्यान राखोत रहंय.




उ आबदिन आनईत अचरज काममन कारेल.

अगर हमरे एसने हे छोईङ्ग देवब होले  
रोमीमन आयके कोनो करबंय.

उमन हमर मन्दिर आउर राईज के नाश करबंय.




तोहरे सोचा कि राईज कर लगिन  
साउब देश नाश होवेक से एगो  
आबदिन मोरेक हे बेस होवी.



इलगिन यीशु के मोरेक चाही.

उ बेरा से यहुदी अगवामन  
यीशु के रोमीमन के हाथ  
मे देवेक ले मोका देखोत  
रहंय. उमन ठिन एकला  
मोरन सजा देवेक कर  
अधिकार रहे.

जेखन यीशु बेतनियाह मे रहे...





फसह कर परब आवाधे. अदिनमन कर भीड़ यरुशलेम बटे आवाधे.




यरुशलेम में अगवामन यीशु के धारेक ले योजना बानात रहंय. तभियो यीशु नगर बटे हे जात रहे.





राजधानी नगर कर मन्दिर  
आराधना कर मुख्य ठांव हेके.



फसह कर परब बेरा  
भेड़ा के मोरत रहंय.



भेड़ा के मन्दिर मे भेट चड़ाय के  
आबदिनमन के ईश्वर संगे मेल-  
मिलाप करवात रहंय.



लेकिन बलि कर कोन भेड़ा आबदिनमन  
के सचमुच उमन कर पापमन से  
छोड़ायक सकी?






मन्दिर कर ठांव में आबदिनमन बेपारी आउर पाइसा भंजाइयक करत रहंय।



यीशु हो हुवा रहे...







अगर हमेरे उकर खोज मे रहब  
तो उके धारेक सकब आउर उके  
मोरयक साकब.



लेकिन परब कर बेरा  
में नही. फसह कर  
बेरा हमेरे कोनो  
समस्या नी चाहिल.

उकर बदले तोहरे मोके  
केतना पायसा देबा?

उ यहूदा हेके, उकर  
चेलामन मे से एकझन.

मोय यीशु के तोहरेमन कर  
हांथ मे धरुवाय देबु!

अगवामन लगातर उकर ले  
समस्या करलय तभियो यीशु  
पसह परब कर पहिला  
दिनमन में आबदिनमन  
संगे बतयाते बितालक.





मोर दुःख उठायक कर अगे फसह  
परब कर भोज तोहर संगे खाय  
ले पठराय रहो.

अधिकारीमन दोसरमन से  
अपन सेवा करवायना, लेकिन  
तोहरे मे इ उलटा होवेक चाहि.

सउब कर दास तोहरे  
कर अगुवा होवी.




प्रभु, का एगो दास जैसन तोय मोर गोड़ धोबे? नहीं! कहियो नहीं!

पतरस, अगर मोय तोके नी धोबु, तो मोर संग तोर कोनो हिस्सा नी होवी।

प्रभु, तो मोर मुड़ी आउर हांथ के हों धोइदे।

जेहर नहाय लेइहे, उके गोड़ हे धोवेक दरकार आहे।




तोहरे मोके प्रभु आउर गुरु कहल, जे ठीक हेके. जैसन मोय तोहरे कर गोड़ के धोइ देलो, तोहरे हों एक दोसर कर गोड़ के धोवा।

तोहरे में से एक झन मोके धोखा देवी।





का उ मोय तो नी हेको?

कहियो नहीं!



यहूदा, तोके जे करेक आहे, उके तुरथे कर!





पछे संझ बेरा, यीशु अपन चेलामन संगे उ शहर के छोइड़ के गेलाक. यहूदा उमन संगे नी रहे.



मोय तोहरे के छोइड़ के जाथो, लेकिन बाप तोहरे ले पबितर आतमा भेजी।  
उ तोहरे के मदाइत करी आउर हमेश तोहरे संगे रही।



मोय जायक ठांव कर डहर तोहरे जानाल।



डहर, सच्वाई आउर जीबन मोहे  
हेकों। मोर बैगर केहो बाप ठिन  
जायक नी पारबंय।




तोहरे हिंया बाइठा। मोय प्रार्थना  
करेक तनिक पारे जाथों।



बाप, अगर होवेक सकेल तो ई दुःख के मोर ठिन से किनार कईर दे।



तभियो, मोर नहीं लेकिन  
तोर इच्छा पूरा होक!



यीशु के यहूदी अगवामन कर मुखिया महा-पुरोहित ठिन लेई गेलंय. पतरस आउर जोहन तनिक फरके से यीशु कर पाछे पाछे गेलंय.



पतरस आंगना में गेलक.



का तोय उकर संगे नी रहीस?



नहीं! मोय उके नी जानोन.

तोय हों ओहे आबदिन में से  
एक झन नी हेकीस?






सचमुच नहीं!

सच्वे! तोय हो हुवा रहिस! तोय  
एगो गलीली हेकीस!

मोय नी जानोन तोय का कहाथीस.





यीशु के रोमी हाकिम पिलातुस ठिन लानलंय. यहूदी अगवामन देखेक आवाल आबदिनमन के बहकलंय. उमन साउब किसिम कर दोष लगलंय.




इ साउब दोष कर बारे मे तोय का कहिस? कोनो नहीं?



तोय का कइरहीस?



मोय सच्चाई कर गवाही देवेक अयहो.



सच्चाई का हेके?

मोय इ आबदिम मे कोनो दोष नी पालो. इ फसह कर परब हेके. मोय केके छोड़बु, बरअब्बा कि यहूदीमन कर राजा के?







वोहे बेरा यहूदा के अपन करल  
काम कर पशतावा होलक.

मोय निरदोष लहू कर  
विश्वासधात करलो।

हमरे के उकर से का? तोय हे जान!

मोय गलती करलो.



यीशु के दुईझन अपराधिमन कर माझे क्रूस मे टांगलंय.

बाप, इमन के क्षमा कर,  
कालेकि इमन नी जानेन  
कि का कराथंय.

तीन गो भाषा मे लिखाल एगो दोष  
पतर क्रस उपरे टांगल रहे जे कहेला:  
“यीशु, यहूदीमन कर राजा।”

यीशु दुःख मिटाइक वाला  
पीयक के मना करलक.

सिपाहीमन उकर लुगा लगिन  
चिठि बांट लेलंय.



अपने के बचावोक आउर  
हमरे के हों बचाव!

ईश्वर कर डर मान. हमरे के हमर  
गलती कर सजा मिललक. लेकिन  
इ आबदिन तो कोनो गलती नी  
कइरहे.



तोय अपन राईज मे आबे  
होले मोके ईयाइद करबे!




आउर उलटी पहर से तीसरा  
पहर तलुक, समूचा राइज में  
अन्धार होई रहे।

यीशु कर माय मरियम आउर उकर चेला  
जौहान क्रूस कर भिरे खड़ाय रहये

एखन तोहरेमन माय  
आउर बेटा हेका।



पूरा होलक।



यीशु कर मोरन उलटी पहर तीन बजे होलक. एगो सिपाही  
यीशु कर पंजरा के जोबलक आउर उकर में से तुरथे लहू  
आउर पानी निकललक.



किताब में एसन लिखाल अहे "उके  
मोरायक लेगेक भेड़ा कर जैसन  
लेगाल गेलाक."

"हमर पाप कर लगिन उके  
जोबलय आउर पिटलय"  
लेकिन एखन  
उकर मोरन होलक.

का आवेक वाला मसीह  
ओहे रहे कि नहीं?



आवा, हमरे उके तोपेक  
सकोब कि, पुछोब.



अरिमतिया कर रहेक वाला यूसुफ आउर नीकुदेमुस यीशु कर  
लोथ के मांड्ग लेलंया उमन उ लोथ में महकेक तेल कर संग  
कफन में लेपैटलक आउर एगो कबर में राखलक आउर एगो  
बड़का ढोंगा से बंद करलक.


सथायक दिन कर पाछे, जे फसह परब  
के एगो भाग हेके, काइझ्ञन दुःखी  
आउराइतमन बंद करल कबर  
के देखेक आलंय।



तोहरे जीयत के मोरल मन में काले  
खोजाथा? उ जी उठलक. जायके  
उकर चेलामन के बतावा!






इ सुनेक पाछे पतरस आउर जोहन  
कबर बटे कुइद के गेलंय.




इ पूरा खाली अहे.





ओहे दिन उकर दुईझन दुःखी चेलामन  
यीशु कर बारे अपन संगै अवल एगो  
आबदिन से बतियाते जात रह्य...

का तोहरेमन आगमबक्तामन उपरे बिश्वास नी कराल? का ई दरकार नी रहे कि मसीह  
ई दुःख उठाय के अपन महिमा में ढुकी ? इ साउब बातमन किताब मे लिखाल अहे.



अचाका भोज करेक  
कर बीच में के अलाक...

लेकिन उ तो यीशु हे रहे!




उमन तुरथे यीशु कर दोसर  
चेलामन के खोजैक गेलंय!

हमरे प्रभु के देखली !



अचाका... तोहरे के शान्ति मिलोक!



का तोहरे के बिश्वास नाखे कि  
मोय हेको? मोर हांथ आउर  
मोर गोड़ के देखा.

मोर प्रभु, आउर  
मोर ईश्वर!



उकर पाछे ४० दिन तलुक  
यीशु अपन चेलामन के  
दिसतर देलाक. उ एकबेर  
५०० झन के हो दिसतर  
देलाक. एक दिन कइझन  
चेलामन गलील कर समुनदर  
मे मछरी मरोत रहंय...

का तोहरे ठिन कोनो खायक ले अहे?

नहीं. हमरे कोनो हो नी धइरही!



तोहरे कर जाल दोसर बटे फेका!



वाह, केतना  
बगरा मछरी!



उ प्रभु हेके!



मालिक!




का तोहरे आयके मोर  
संगे खाबा?

पतरस का सच्चे तोय मोके प्रेम करीस?




यीशु पतरस के तीन बेर इ सवाल पुछलक.




हां प्रभु तोय जानीस कि मोय  
तौर से प्रेम करोन.



मोर पाछे होई ले।



याइद करा! मोय संसार कर आखरी  
तलुक रोज दिन तोहरेमन कर संगे आहों।




इ बातमन कहेक कर पछे  
यीशु धरती छोइड देवेल  
आउर उ सरग में गेलक.  
लेकिन उ इ हो कहलक कि  
उ साउब आबदिनमन कर  
बिचार करेक ले घुइर आवी.

उकर चेलामन यरुशलेम मे प्रार्थना करते पठरालंय. पवित्र आतमा माने ईश्वर कर आतमा से उमन के भइर देलक. जे आतमा यीशु मे रहे, ओहे आतमा एखन उमन में हों रही. उमन के नवां आबदिन बनेक ले सामर्थ देवी, जे सामर्थ से यीशु कर बारे मे गवाही देबंय.

जिनगी जुग कर जीबन पाय हे। आउर उ दोषी नी ठहरी उ तो मोरन यीशु के धाइर रखेक नी सकलक. ईश्वर उके आवरे जीबन में लानलक आउर उके प्रभु बनालक, ओहे मसीहा.

४६



यीशु कर चेलामन के आनइत बिरोध साहेक पड़लक.

यीशु ईश्वर कर बेटा हेके!



इ खबइर पतर से हों प्रचार करल गेलक.

जेखन उ क्रूस मे मोरलक, उ हमरे कर पाप के अपन शरीर मे उठालक. इलगिन हमरे पाप कर लगिन मोइर चुइकही, आउर एखन से हमरे ईश्वर कर ईच्छा से जीयक चाही.



एखन साउब संसार भइर यीशु कर चेलामन प्रार्थना करेक आउर बाइबल पढ़ेक ले एकसंगे जमा होवेना. उमन यीशु कर मोरन याइद में रोटी टूटायना आउर कटरा से पियेना. उमन कर मन में होवाल प्रेम उमन अपन आसपास कर आबदिनमन से करेक हे ईश्वर कर ईच्छा हेके.

यीशु आबद्धिमन ले ईश्वर कर योजना के पुरा करलक.



यीशु हमरे के प्रेम करेल. धन्यबाद देवा आउर उकर आराधना करा!

ईश्वर संसार से एसेन प्रेम करलक, कि उ अपन एके गोटा बेटा के देई देलक. जे केहो उकर में बिश्वास करी, उ नाश नी होवी, लेकिन उ जिनगी जुग कर जीबन पावी.

# बाइबल

यीशु कर कहानी बाइबल में लिखाल आहे. बाइबल से बागरा दोसर कोनो हों किताब के नी पढ़ाल जायहे. आनंदित किताबमन के मिलायके ई एगो किताब बाइनहे. ई साउब किताबमन के लिखेक में १५०० बच्चर लगलक. ११०० बच्चर आगे बाइबल बनलक. इकर में साउब किसिम कर कहानी आहे कि का नियार ईश्वर आबदिनमन कर जीवन में काम करेला. यीशु कर कहानी से हमरे आच्छा से जानेक सकिल कि ईश्वर के हेके.


## यीशु कर इतिहास

बाइबल कर चाइर गो किताब में यीशु कर जीवन कर बारे में बताल जायहे. लेखकमन कर नाम मोताबिक किताबमन कर नाम रखल गेलक. ई लेखकमन यीशु कर परिया कर रहंय.

१, मत्ती: यीशु कर चेला. उ खजना लेवेककर काम करत रहे. उ वर्णन काइर हे कि का नियर यीशु इसाएलीमन संगे व्यवहार करत रहे.

२, मरकूस: यीशु चकरित काममन करलक. जे बेरा यीशु चकरित काममन करलक उ बेरा मरकूस जवान रहे.

३, लूका: ई एगो बैध रहे. उ व्यक्तिगत रूप से यीशु के नी जनोत रहे. उ वर्णन काइर हे कि का नियर यीशु आबदिनमन कर संगे व्यवहार करलक.





४, जोहन: ई हों यीशु कर पीछे चलेक वाला रहे. उगो बतालक कि यीशु के हेके. यीशु ईश्वर हेके. उ आबदिन बनलक कि आबदिनमन के पाप से छुटकारा मिलोक.

# यीशु के जन्म

यीशु कर माय मरियम, जे बेरा यीशु के जन्म देलक उ बेरा मरियम शादी नी काइर रहे. उ कुंवारी रहे. ताभियो ईश्वर इकर उपाय करलक कि यीशु कर जन्म होक. ई चकरित काम कर बारे में यीशु कर समय से अनाइत पहिले किताब में लिखल जाय रहे. यीशु कोनो हीरो चाहे कोनो खास आबदिन कर जाइसन जन्म नी होलक. उ एगो गोहार घर में जन्म होलक कालेकि हुंवा दोसर कोनो ठांव नी रहे.

## यीशु कर चकरित काम

यीशु अनाइत बगरा चकरित काम करलक. बाइबल में चालीस से हों बगरा चंगाई कर बारे में लिखाल आहे. ई चकरित काममन कर चलते यीशु ईश्वर कर सामर्थ आउर प्रेम के देखायला. उ आबदिनमन के मदाइत करेक चहेल आउर खुशी रखेक खोजेल.





## यीशु काले मोरलक? इकर वर्णन बाइबल में देवल जाहे.

सब आबदिनमन जे गलत बातमन करेना उमन ईश्वर के गोस्सा आउर दखी करुवायना. उके हे पाप कहेना. ई साउब पाप आबदिनमन के ईश्वर कर संगती से दुर करेला. आउर ऐहै लगिन यीशु आलक. यीशु खुद हमर पापमन कर सजा अपन उपरे लैलक. उ मोरन सजा रहे. ई लगिन यीशु मोरलक. एखन हमरे आउरे ईश्वर कर संगे दोस्ती करेक सकिल. लैकिन हमरे के हमर गलतीमन क्षमा मांगेक लागी.

यीशु मरन में से जी उठलक. ईश्वर उके जिन्दा करलक. ई नियर ईश्वर देखालक कि उ मरन से हों शक्तिशाली आहे.

यीशु एखन ईश्वर कर संगे रहेला. ई लगिन उ हमर संगी बनेक सकेला. ईश्वर के खुशी होवी कि जे बेरा ई नियर कर जीबन जियेक लगिन उ हमर मदाइत करी.

## प्रार्थना

अगर तोहरे गलत बातमन कर क्षमा मांगेक आउर ईश्वर से दोस्ती बनायक चहाल तो तोहरे ई प्रार्थना करेक सकाल. प्रेमी ईश्वर, तोय मोर से प्रेम करिसला. तोय यीशु के देले तोर एकलौटा बेटा जे क्रुस उपरे मोइर गेलक. जे गलत बातमन मोय काइहों दया काइर के उ साउब पापमन कर क्षमा मोके दे. यीशु मोर संगे आहे ई लगिन तोके धन्यबाद. का तोय तोर इच्छा से मोके जिबन जियेक लगिन मदाइत करबे? तोय जे बचन देविसला उके तोय पुरा करिसला. मोर प्रार्थना कर जबाब देवेक कर लगिन धन्यबाद.

आमीन....

# यीशु आउर तोहरे

यीशु कर कहानी कर एगो आच्छा अन्त आहे, यीशु अनाईत महान आबदिनमन कर दोस्त बनलक. एखन आउर उ बेरा हों दुनिया बदाइल जाय रहे. अनाईत आबदिनमन एखन गधामन से चाहे घोडामन से याता नी करेना, उमन कार चाहे हवाईज्ञाज से याता करेना. लेकिन यीशु उपरे इकर कोनो हो प्रभाव नी पाडेल. जाईसन उ इस्त्राएल में रहे, ओसने हे एखन हों हमर संगे आहे. उ नी दिसेला ताभियो ओहे एकला सच्चा आहे. उ तोहरे के दोस्त बनायक चाहेला. तोहरे उके संनिक सकल. का तोहरे के यीश कर संगे जींबन आउर उकर बारे में बागँरा जानकारी लागी?

का तोहरे के यीशु कर संगे जीबन आउर उकर बारे में बागरा जानकारी लागी? तो तोहरे निचे देवल बातमन के करा.-

१) तोहरे खुद बाइबल पढ़ा ( लुका में लिखाल भाग के पढ़ा )

२) प्रार्थना करेक ( ईश्वर कर संगे बतियायक आउर उकर सुनेक, तोहरे के कोनो खास शब्द के बोलेक कर जरुरत नाइखे.)

३) बाइबल कर बारे में आउर यीशु कर दोसरा मन संगे बातचीत करेक. यीशु चाहेला कि उकर पीछे चलेक वालामन एक दोसर से मिलके उके खुशी करोक.



Publisher : KRISTALAYA MERCY MISSION

Printed : Kristalaya Printers

Text and illustrations : Willem de vink

Copyright 1993 Stitching Wereldtaal, Houten, The Netherlands,

Published in Dutch as " Jesus Messias". Edition in Sadri 2020 :

ISBN : - 978-90-73150-46-1

Digital copyright under the terms of the Creative commons BY-SA licence.

All right of translation, reproduction and adaptation reserved for all

countries. Worldwide co-edition organized and produced by: Wyclie Netherlands,

E-mail : jmpbnortheast@gmail.com

# यीशु मसीह

ई यीशु मसीह कर एगो सच्चा कहानी हेके. उ २००० बच्छर आगे इस्त्राएल में रहे.

जे केहो उकर से मिलोत रहंय उमन अचरज में पाइड जात रहंय. जे कोनो उ करलक उके केहो करेक नी सकलंय. जे बातमन के उ बतालक उके केहो नी बतालंय. जहां यीशु रहत रहे हुंवा चकरित काममन होवत रहे. जे केहो उकर सुनोत रहंय उमन आनन्द आउर खुशी से भाइर जात रहंय. तले अचाका इकर अन्त होई गेलक. उकर बिरोधीमन उके सजा देवेना, लेकिन उ अन्त नी रहे. आगे का होलक उके तोहरे खुद पढ़ा आउर देखा कि काइसन यीशु कर कहानी आगे बढ़ते जायला.



Language - Sadri

ISBN : 978-90-73150-46-1